

元代

元代地理方志

上卷

一六

元代地理方志



社

元代地理方志
上卷

元
代
史料
叢刊
初編

黃山書社

四明志卷第十四

宋元四明六
志第六十六

元

袁

桷

等

撰

學校攷下

慈溪縣儒學

學在縣西四十步慶厯八年令林肇徙於縣治之東南
一里鄞宰荆公王安石貽書招杜先生入學爲師建炎
四年學燬淳熙閒節度推官宋南强攝治重建八年令
唐仲溫始落成淳祐二年郡守陳公愷俾令曹邵立鄉
先生楊文元公祠於成德堂之右元貞二年燬主簿皇
公泣重建於今始完

延祐十四

煙嶼樓校本

延祐十四

一
煙嶼樓校本

王安石重建學記

天下不可一日而無政教故學不可一日而亡於天下古者井天下之田而黨庠遂序國學之法立乎其中鄉射飲酒春秋合樂養老勞農尊賢使能攷藝選言之政至於受成獻馘訊囚之事無不出於學於此養天下知仁聖義中和之士以至一偏之伎一曲之學無所不養而又取士大夫之材行完潔而其施設已嘗試於位而去者以爲之師釋奠釋菜以教不忘其學之所自遷徙逼逐以勉其怠而除其惡則士朝夕所見所聞無非所以治天下國家之道其服習必

於仁義而所學必皆盡其材一日取以備公卿大夫
百執事之選則其材行皆已素定而士之備選者其
施設亦皆素所見聞而已不待閱習而後能者也古
之在上者事不慮而盡功不爲而足其要如此而已
此二帝三王所以治天下國家而立學之本意也後
世無井田之法而學亦或存或廢大抵所以治天下
國家者不復皆出於學而學之士羣居族處爲師弟
子之位者講章句課文字而已至其陵夷之久則四
方之學一廢而爲廟以祀孔子天下斲木搏土如浮
屠道士法爲王者象州縣吏春秋帥其屬釋奠於其

延祐十四

二

煙嶼樓校本

延祐十四

二

煙嶼樓校本

堂而學士者或不豫焉蓋廟之作出於學廢而近世之法然也今天子卽位若干年頻修法度而革近世之不然者當此之時學稍稍立於天下矣猶曰州之士滿二百人乃得立學於是慈溪之士不得有學而爲夫子廟如故廟又壞不治令劉君在中言於州使民出錢將修而作之未及爲而去時歲祲五年也後林君肇至則曰古之所以爲學者吾不得而見而法者吾不可以毋循也雖然吾有人民於此不可以無教卽因民錢作孔子廟如今之所云而治其四旁爲學舍構堂其中卽縣之子弟起先生杜君醇爲之師

而興於學噫林君其有道者耶夫吏者無變今之法而不失古之實此有道者之所能也林君之爲其幾於此矣林君固賢令而慈溪小邑無珍產淫貨以來四方游販之民田桑之美有以自足無水旱之憂也無游販之民故其俗一而不雜有以自足故人愼刑而易治而吾所見其邑之士亦多美茂之材易成也杜君者越之隱君子其學行宜爲人師者也夫以小邑得賢令又得宜爲人師者爲之師而以修醇一易治之俗而進美茂易成之材雖拘於法限於勢不得盡如古之所爲吾固信其教化之將行而風俗之成

延祐十四

三

煙樓校本

也夫教化可以美風俗雖然必久而後至於善而今之吏其勢不能以久也吾雖喜且幸其將行而又憂夫來者之不吾繼也於是本其意以告來者

鄭霖慈湖先生祠堂記

禮有功有德則附祭於學所以助教化厚風俗示儀型也我朝自濂溪周元公以太極圖發先天之妙於是河南之學有所傳授雷動四方上紹孔子千百年不繼之統下破漢人專門角立之陋中興以來推吾道扶植國脈之功與天地並詔加節惠源分派別厥後能以所自得者教於鄉鳴於時其徒名尊其師力

足以請於朝亦核謚典隨所寓肖像以祠斯文可謂
盛哉閣學文元楊公家於四明慈水德潤湖超然口
耳之學蚤從象山文安陸公游以心之精神是謂聖
由覺入道推誠體物研幾察至尤深於易見諸用立
朝大節浩乎不可奪分牧於民古良吏不能先天下
士宗先生之學不以爵稱而以慈湖沒於寶慶二年
至今誦其書籍先生之門爲重雖闕里宮牆猶舊而
桐鄉俎豆未設志鬱焉始慈湖後人欲倣四書院以
藏家塾所著文學而習之此意美矣相地湖中及龍
虎軒旣牽於道旁疑阻又病於規模奢廣展轉三四

延祐十四

四

煙嶼樓校本

延祐十四

四

煙輿樓校本

年無定地制使祕撰可齋陳公塏壬寅春開閭布宣
善彰以勸問祠堂中輟之故公諗於士友曰郡邑有
學顏孟不過侑祀所以尊吾夫子也尊夫子而侑祀
於夫子之側者未嘗不尊然則卽學以祠慈湖亦何
不可道一而已矣無適非道必指闕里爲夫子之道
在是是識其小者祠於學祠於書院同一慈湖也九
京可作必爲余肯於是士友翕然無異詞迺撥緡錢
六十萬米二十斛下邑令尹曹君邵遠逕名家也能
成公志上作而下承役興而民不知經始於秋孟癸
巳越月庚午告成堂三閒前軒過廡稱是士庶子來

祭洋洋如在相與頌曰非郡侯之尊所尊非今尹之
敏於事此郡闕典誰實顧念又相與勉曰祠旣立吾
徒居先生之里讀先生之書以心會理以身率教毋
爲先生羞公聞之而喜霖奉祠歸雪巖山中一日謁
公於鄧山之堂謂霖曰子爲我記之霖再拜辭公曰
子昔分教橫浦卽郡庠祠大中程公珦其事同其意
合秉筆敬書先生名簡字敬仲其詳見於家傳爲之
詩俾邑士祭而歌曰慈水之東注兮泱泱夫子之楹
夢兮堂堂其書存兮人未亡跂望不可及兮心皇皇
自古有德兮侑於庠闕里俎豆兮胡爲未遑鳳鳥不

延祐十四

五

煙嶼樓校本

延祐十四

五

煙嶼樓校本

至兮孔傷蘭佩其高潔兮遺芳九原不可作兮墜緒
茫茫大音之寥寥兮瓦缶宮商尙雲車兮相羊想容
止兮洋洋興起人之良善兮是爲慈溪之鄉千秋萬
歲兮曠能忘淳祐二年良月望朝奉郎主管建寧府
崇禧觀天台鄭霖記慈湖先生姪愉書郡人朝散大
夫直寶章閣桂萬榮篆蓋按曰橫浦卽南安程公以
通守南安得祀台州志稱
鄭霖官南安教授是分教橫浦實鄭事也篇中公曰
以下必有闕文若子爲子之譌則秉筆以上有脫

瞻學田土

田四百六畝二十八步

地四十六畝三十步

山五十九畝二角二十步

海塗田地五百九十九畝二角三十五步

魚池一百二十四口

額管錢糧

鈔中統鈔三定一十七兩七錢

穀五十五石一升

米二百一十五石五斗三升八合

小麥二十二石五升六合八勺

屋宇基地

禮殿講堂齋廡等屋共九十八間

延祐十四

六

煙鎮樓校本

延祐十四

六

厚真樓校刊

牌門一座

六扉門三座

基地一十畝二分八釐三毫三絲三忽二微
行路直長四十丈橫闊六丈

祭器

銅器

爵一十五隻

犧尊二口

象尊二口

罍洗一副

豆一十隻

簠簋共四隻

站五片

龍勺五柄

木器

豆五十四隻

簋簠共四十八隻

玷五片

竹器

簋六十二隻

筐五隻

鑑器

爵一十八隻

香爐花瓶一副

香合一箇

幕布二片

儒戶

抄籍儒人二百一十二戶

延祐十四

七

煙旗樓校本

延祐十四

七

煙嶺樓校本

設官

教諭一員

定海縣儒學

學在縣東二十步雍熙二年主簿李齊建崇寧中廣之
紹興八年令章汝翼改建於縣東北半里嘉定十二年
令趙秘夫撥官產以贍舊田湮沒者復之

胡剛中重修學記

四明人物之淵藪自公卿至大夫日益盛則業於士
者宜尤盛士所以爲公卿大夫之階也而士必階於
學學必有主之者焉定海地稍偏而不當以偏故學

不講余記童時從師於學冠則與友遂課試於學學之政粗舉而其宮則甚隘余心憫焉去之游上庠叨末第旋馳宦輒蹟於學頓少而心於學則未忘也三十餘年閒如韓令承德創殿前令逸卿崇堂崔令端學闢廡與門俱各奐傑久則圯蠹繼之矣今令陳君續以其字民餘力畱情造士迺大修學凡櫟楹之欹損者咸櫛治之薺簷之闕漏者咸鱗比之自塗墁至丹牖咸次第鮮明之舊觀既新而績且多於舊學前並民屋局於地則買地使局者舒後依山斷於河則塞河使斷者續四齋之外更立武齋齋之外爲射圃

延祐十四

八

煙嶼樓校本